

og efnahag, sem krafist kann að verða, svo og að veita aðgang að öllum bókhaldsgögnum og öðrum gögnum, sem sá, sem rannsókn annast, telur hafa þýðingu fyrir rannsóknina.

17. gr.

LMFÍ ber kostnað við rannsókn skv. 15. og 16. gr.

18. gr.

Gerist lögmaður brotlegur við ákvæði reglna þessara og sinnir ekki áskorun um að starfa í samræmi við þær ber stjórn LMFÍ að leggja til við dómsmálaráðherra að hann felli úr gildi réttindi lögmannsins skv. 3. mgr. 13. gr. laga nr. 77/1998, um lögmennt.

19. gr.

Reglur um fjárvörslureikninga og verðbréf gilda þar til innstæðu á reikningi skv. 4. gr. og verðbréfum hefur að fullu verið ráðstafað í samræmi við reglur þessar.

V. KAFLI

Gildistaka.

20. gr.

Reglugerð þessi sem sett er samkvæmt 2. mgr. 23. gr. laga um lögmennt, nr. 77 15. júní 1998, öðlast þegar gildi.

Jafnframt eru felldar úr gildi reglur um fjárvörslur lögmannna o.fl. sem staðfestar voru 6. desember 1995, nr. 626 í B-deild Stjórnartíðinda 1995.

Dóms- og kirkjumálaráðuneytinu, 15. mars 1999.

Þorsteinn Pálsson.

Björn Friðfinnsson.

SKIPULAGSSKRÁ

fyrir sjálfseignarstofnunina **Upplýsingaþjónusta** **um menningaráætlun Evrópusambandsins á Íslandi.**

1. gr.

Nafn og heimilisfang.

Upplýsingaþjónusta um menningaráætlun Evrópusambandsins á Íslandi er sjálfseignarstofnun með sérstakri stjórn. Heimili og varnarþing er í Reykjavík. Stofnunin ber ábyrgð á skuldbindingum sínum með öllum eignum sínum. Hún er ekki háð neinum öðrum lögáðilum.

2. gr.

Tilgangur.

Tilgangur Upplýsingaþjónustunnar er að veita upplýsingar, ráðgjöf og þjónustu vegna starfsemi samkvæmt menningaráætlun Evrópusambandsins og öðrum skyldum áætlunum Evrópusambandsins.

3. gr.

Stofnfé.

Stofnfé er kr. 471.000 sem er framlag menntamálaráðuneytisins og er höfuðstóll bankabókar við Búnaðarbanka Íslands, sem sérstaklega var stofnuð í þessu skyni.

4. gr.

Tekjur - ráðstöfun tekna og stofnframlags.

Tekjur stofnunarinnar eru frjáls framlög íslenskra stjórnvalda og annarra aðila, vaxta-tekjur og aðrar tekjur sem kunna að verða af rekstri.

Tekjum stofnunarinnar og vöxtum af stofnframlagi má aðeins ráðstafa til greiðslu rekstrarkostnaðar, þ.m.t. kaup og sala eigna, lán og styrkir.

Á hverjum tíma skulu vera bundnir fjármunir í stofnuninni, sem að verðgildi á núverandi verðlagi skulu nema kr. 471.000.

5. gr.

Stjórn.

Menntamálaráðherra skipar þrjá menn í stjórn stofnunarinnar til þriggja ára í senn. Skipaðir skulu jafnmargir varamenn.

Menntamálaráðherra skipar formann og varaformann stjórnar. Meirihluti atkvæða ræður úrslitum mála í stjórn stofnunarinnar.

Stjórnin skal vinna að markmiðum stofnunarinnar og gæta þess eftir fremsta megni að kostnaður við starfsemina sé í samræmi við rekstrarátlanir.

Stjórnarfundi skal halda a.m.k. tvisvar á ári. Formaður stjórnar boðar til funda. Stjórnarfundir skulu skráðir í gerðabók.

Stjórninni er heimilt að skuldbinda stofnunina fjárhagslega.

Stjórn er heimilt að ráða framkvæmdastjóra og veita fullt prókúrumboð.

6. gr.

Framkvæmdastjóri.

Framkvæmdastjóri sér um daglegan rekstur stofnunarinnar og ber ábyrgð á störfum sínum gagnvart stjórn. Hann skal m.a. sjá um bókhald stofnunarinnar og semja ársreikning í samráði við stjórn.

7. gr.

Starfsár - reikningsár.

Starfsár og reikningsár stofnunarinnar er almanaksárið.

8. gr.

Reikningar - ársskýrslur - rekstrarátlanir.

Stjórnin skal hafa ársreikning endurskoðaðan af löggiltum endurskoðanda tilbúinn fyrir lok maí ár hvert. Jafnframt skal stjórnin láta gera skýrslu um starfsemi undangengins almanaksárs sem skal liggja fyrir um leið og ársreikningur.

Milliuppgjör skulu gerð af framkvæmdastjóra tvisvar á ári og þau borin saman við rekstrarátlanir.

Rekstrarátlun fyrir hvert reikningsár skal stjórnin gera í samráði við framkvæmdastjóra. Slík rekstrarátlun skal vera tilbúin fyrir 1. desember næsta reikningsárs á undan.

9. gr.

Endurskoðun.

Stjórnin ræður löggiltan endurskoðanda til þess að endurskoða ársreikning. Ársreikningur skal áritaður af endurskoðanda og stjórn. Ársreikningur skal sendur Ríkisendurskoðun ásamt skýrslu um hvernig fjármunum hafi verið varið á næstliðnu reikningsári.

10. gr.

Breytingar á skipulagsskrá og slit stofnunarinnar.

Verði verulegar breytingar á grundvelli stofnunarinnar m.a. vegna tekjumöguleika er heimilt að breyta skipulagsskrá þessari eða leggja stofnunina niður. Gildi slíkra ákvarðana er háð samþykki allra stjórnarmanna.

Komi til þess að stofnunin verði lögð niður skulu eignir hennar renna til stuðnings alþjóðlegum menningarsamskiptum á vegum opinberra aðila.

11. gr.

Staðfesting dómsmálaráðherra.

Leita skal staðfestingar dómsmálaráðherra á skipulagsskrá þessari og hún birt í B-deild Stjórnartíðinda sem og allar breytingar á henni.

Reykjavík, 10. febrúar 1999.

Björn Bjarnason.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 12. mars 1999.

F. h. r.

Björn Friðfinnsson.

Fanney Óskarsdóttir.

REGLUGERÐ

um breytingu á reglugerð nr. 465/1998 um viðbrögð við bráðamengun sjávar.

1. gr.

Fylgiskjal 2 við reglugerð þessa orðast svo:

Fylgiskjal 2
Hafnir í landshluta 1

ADALHÖFN:

REYKJAVÍK

SVÆÐISHÖFN:

SNÆFELLSBÆR

- Arnarstapi
- ÓLAFSVÍK (Búnaður)
- Rifshöfn